



Broj: 01/6-50-3-6- 6 /24

Sarajevo, 29.1.2024.

IZVJEŠTAJ O RADU KOMISIJE ZA OSTVARIVANJE RAVNOPRAVNOSTI SPOLOVA
PARLAMENTARNE SKUPŠTINE BOSNE I HERCEGOVINE

ZA 2023. GODINU

Sarajevo, decembar, 2023.

SADRŽAJ

POGLAVLJE 1. UVODNI DIO	3
POGLAVLJE 2. IZVJEŠTAJ O AKTIVNOSTIMA KOMISIJE.....	4
2.1. Redovne sjednice Komisije.....	4
2.2. Tematske konferencije	5
2.3. Ostale aktivnosti Komisije za ostvarivanje ravnopravnosti spolova.....	5
POGLAVLJE 3. SAŽETAK	6
PRILOG: Pregled sjednica Komisije s tačkama dnevnog reda	7
Pregled zaključaka Komisije u 2023. godini	8

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14), Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine na 6. sjednici, održanoj 29.1.2024. godine, usvojila je

IZVJEŠTAJ O RADU ZA 2023. GODINU

POGLAVLJE I. UVODNI DIO

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđene su članom 49. Poslovnika Predstavničkog doma, kojim je propisano da Komisija razmatra pitanja koja se odnose na:

- ostvarivanje ravnopravnosti spolova u Bosni i Hercegovini, naročito u vezi s unapređivanjem statusa žena u Bosni i Hercegovini;
- podsticanje aktivnosti u institucijama BiH na provođenju Platforme za akciju Pekinške deklaracije (Četvrta svjetska konferencija o ženama, 1995.) u 12 kritičkih sfera;
- podsticanje i koordinaciju aktivnosti s entitetskim parlamentima i Skupštinom Brčko Distrikta BiH na unapređenju statusa žena i provođenju Platforme za akciju Pekinške deklaracije;
- razmatranje predloženih zakona i drugih propisa sa stanovišta ravnopravnosti spolova i sprečavanja diskriminacije žena;
- razmatranje prijedloga dokumenata i izvještaja institucija BiH koji se odnose na ostvarivanje ravnopravnosti spolova i provođenje Platforme za akciju Pekinške deklaracije u cjelini, odnosno po pojedinim oblastima;
- razmatranje pripreme za učešće delegacija Bosne i Hercegovine na međunarodnim skupovima kada se razmatra provođenje Pekinške deklaracije (UN, Vijeće za regionalnu saradnju – RCC i sl.)
- druga pitanja u vezi sa ostvarivanjem ravnopravnosti spolova.

POGLAVLJE II. IZVJEŠTAJ O AKTIVNOSTIMA KOMISIJE

2.1. Redovne sjednice Komisije za ostvarivanje ravnopravnosti spolova

U 2023. godini Komisija je održala četiri sjednice s ukupno 14 tačaka dnevnog reda, i to kako slijedi:

<i>Broj i datum održavanja sjednice</i>	<i>Broj razmatranih tačaka dnevnog reda</i>	<i>Broj i ime članova prisutnih sjednici Komisije</i>	<i>Broj i ime članova koji nisu prisustvovali sjednici Komisije</i>
2. sjednica održana 22. 2. 2023.	5	7 Miroslav Vujičić – predsjedavajući, Mia Karamehić-Abazović – prva zamjenica predsjedavajućeg, Rejhana Dervišević – druga zamjenica predsjedavajućeg, Ljubica Miljanović, Mira Pekić, Vlatko Glavaš i Amor Mašović	2 Sabina Ćudić i Denijal Tulumović
3. sjednica održana 24. 5. 2023.	3	9 Miroslav Vujičić - predsjedavajući, Mia Karamehić-Abazović – prva zamjenica predsjedavajućeg, Rejhana Dervišević – druga zamjenica predsjedavajućeg, Ljubica Miljanović, Mira Pekić, Sabina Ćudić, Vlatko Glavaš, Amor Mašović i Denijal Tulumović.	0
4. sjednica održana 21. 7. 2023.	3	5 Mia Karamehić-Abazović – prva zamjenica predsjedavajućeg, Rejhana Dervišević – druga zamjenica predsjedavajućeg, Sabina Ćudić, Amor Mašović i Miroslav Vujičić – predsjedavajući (telefonski).	4 Ljubica Miljanović, Mira Pekić, Vlatko Glavaš i Denijal Tulumović.
5. sjednica održana 30. 10. 2023.	3	6 Miroslav Vujičić – predsjedavajući Komisije, Mia Karamehić-Abazović – prva zamjenica predsjedavajućeg, Rejhana Dervišević – druga zamjenica predsjedavajućeg, Sabina Ćudić, Vlatko Glavaš i Amor Mašović	3 Ljubica Miljanović, Mira Pekić i Denijal Tulumović

Ukupan broj sjednica:	Ukupan broj razmatranih tačaka:	Prosjeak prisustva: 75%	Prosjeak odsustva: 25%
4	14		

Osim redovnih sjednica, Komisija je organizirala i dvije konferencije odnosno tematske sjednice, o kojima će biti više riječi u sljedećem poglavlju.

2.2. Tematske konferencije Komisije za ostvarivanje ravnopravnosti spolova

Konferencija u povodu obilježavanja Međunarodnog dana žena

Konferencija je održana 8. 3. 2023. godine u zgradi Parlamentarne skupštine BiH, Plava sala. Na konferenciji je razgovarano o izazovima savremenog svijeta, savremenim tehnologijama i njihovom uticaju na život žena, kao i muškaraca, s ciljem uspostavljanja pune ravnopravnosti i jednakosti građana u Bosni i Hercegovini, kao i smanjenju ili potpunom eliminiranju nasilja nad ženama.

Usvojene su i zajedničke preporuke s konferencije.

2.3. Ostale aktivnosti Komisije za ostvarivanje ravnopravnosti spolova

Povodom Međunarodnog dana žena u zgradi Parlamentarne skupštine BiH održana je i izložba pod nazivom „Mir sa ženskim licem“. Izložba je posvećena svim ženama Bosne i Hercegovine koje se svakodnevno trude i rade na izgradnji mira, a može poslužiti i kao inspiracija mladim ženama danas u izgradnji boljeg bh. društva. Ova izložba je do sada prikazana u 12 gradova BiH i šire: Sarajevo, Banja Luka, Tuzla, Bijeljina, Mostar, Modriča, Bihać, Prijedor, Zenica, Beograd, Aachen (Njemačka) i Brčko Distrikt BiH. Osim organizatora i idejnih tvoraca izložbe, posjetiocima su se na otvaranju obratili: Srđan Puhalo, recenzent izložbe, te Smilja Mitrović i Seida Karabašić, čije su se životne priče zasluženo našle u postavci ove izložbe.

Članovi Komisije su, također, bili pozvani na uvodnu obuku u organizaciji Agencije za ravnopravnost spolova Ministarstva za ljudska prava i izbjeglice Bosne i Hercegovine i Misije OSCE-a/ODIHR-a za BiH, kao i Gender centra FBiH.

POGLAVLJE III. SAŽETAK

Komisija je redovno analizirala stanje ravnopravnosti spolova u raznim oblastima javnog i privatnog života u BiH, uvažavajući stavove i vladinog i nevladinog sektora, te nastojeći postići uravnoteženi stav koji bi svojim preporukama potaknuo na aktivnosti s ciljem poboljšanja stanja u Bosni i Hercegovini.

Bitno je istaknuti i višegodišnje strateške partnere s kojima je Komisija za ostvarivanje ravnopravnosti spolova, kako ranijih godina tako i tokom protekle godine, najviše saradivala, a to su: Agencija za ravnopravnost spolova BiH Ministarstva za ljudska prava i izbjeglice BiH, *UN Women*, UNDP, OSCE/ODIHR za BiH te brojne nevladine organizacije.

PRILOG:

Pregled sjednica Komisije u 2023. godini s tačkama dnevnog reda

➤ 2. sjednica, 22. 2. 2023.

Dnevni red:

1. Usvajanje Zapisnika konstituirajuće sjednice Komisije;
2. Izvještaj o radu Komisije za ostvarivanje ravnopravnosti spolova PSBiH za 2022. godinu;
3. Prijedlog plana rada Komisije za ostvarivanje ravnopravnosti spolova PSBiH za 2023. godinu;
4. Informacije o tematskoj konferenciji u povodu obilježavanja Dana žena;
5. Tekuća pitanja.

➤ 3. sjednica, 24. 5. 2023.

Dnevni red:

1. Usvajanje Zapisnika 2. sjednice Komisije;
2. Razmatranje Izvještaja o radu Vijeća ministara BiH za 2021. godinu;
3. Tekuća pitanja.

➤ 4. sjednica, 21. 7. 2023.

Dnevni red:

1. Usvajanje Zapisnika 3. sjednice Komisije;
2. Razmatranje Izvještaja o radu Vijeća ministara BiH za 2022. godinu;
3. Tekuća pitanja.

➤ 5. sjednica, 30. 10. 2023.

Dnevni red:

1. Usvajanje Zapisnika 4. sjednice Komisije;
2. Razmatranje Izvještaja GREVIO-vog komiteta za Bosnu i Hercegovinu o zakonodavnim i drugim mjerama preduzetim s ciljem provođenja odredbi Konvencije Vijeća Evrope o sprečavanju i borbi protiv nasilja nad ženama i nasilja u porodici (Istanbulska konvencija) i Preporuke Komiteta potpisnica Istanbulske konvencije Vijeća Evrope;
3. Tekuća pitanja.

Pregled zaključaka Komisije u 2023. godini

Komisija je na 2. sjednici, održanoj 22. februara 2023, razmatrala tačku dnevnog reda *Prijedlog plana rada Komisije za ostvarivanje ravnopravnosti spolova PSBiH za 2023. godinu* i jednoglasno donijela sljedeći zaključak:

Zadužuju se institucije Vijeća ministara BiH da dostave podatke o spolnoj strukturi imenovanih lica, rukovodećih državnih službenika, državnih službenika i zaposlenika.

Komisija je na 3. sjednici, održanoj u srijedu, 24. maja 2023, u okviru tekućih pitanja jednoglasno donijela sljedeći zaključak:

Zadužuje se Vijeće ministara BiH i poziva da, u saradnji s resornim institucijama na entitetskom, kantonalnom i nivou Brčko Distrikta BiH, izradi Plan mjera za provođenje preporuka GREVIO-vog komiteta i Komiteta potpisnica Istanbulske konvencije Vijeća Evrope, prati provođenje i redovno, najmanje jednom godišnje, izvještava Parlamentarnu skupštinu BiH.

Komisija je na 5. sjednici, održanoj 30. 11. 2023, jednoglasno usvojila sljedeće zaključke te predložila Predstavničkom domu Parlamentarne skupštine BiH njihovo usvajanje:

- 1. Predstavnički dom Parlamentarne skupštine BiH sa zabrinutošću je primio k znanju Izvještaj GREVIO-a za Bosnu i Hercegovinu o zakonodavnim i drugim mjerama preduzetim s ciljem provođenja odredbi Konvencije Vijeća Evrope o sprečavanju i borbi protiv nasilja nad ženama i nasilja u porodici i Preporuke Komiteta potpisnica Istanbulske konvencije Vijeća Evrope.***
- 2. Predstavnički dom Parlamentarne skupštine BiH poziva parlamente entiteta, Brčko Distrikta BiH i kantona da razmotre predmetni izvještaj i, u skladu s preporukama, preduzmu tražene zakonodavne mjere.***
- 3. Predstavnički dom Parlamentarne skupštine BiH poziva Vijeće ministara BiH i sve druge organe izvršne vlasti u Bosni i Hercegovini da, u skladu sa svojim nadležnostima, pokrenu zakonodavne inicijative i preduzmu druge mjere s ciljem ispunjavanja preporuka iz Izvještaja GREVIO-a i Komiteta potpisnica Istanbulske konvencije Vijeća Evrope.***
- 4. Predstavnički dom Parlamentarne skupštine BiH poziva Vijeće ministara BiH da, u saradnji s resornim institucijama na entitetskom, kantonalnom i nivou Brčko Distrikta BiH, izradi Plan mjera za provođenje preporuka GREVIO-vog komiteta i Komiteta potpisnica Istanbulske konvencije Vijeća Evrope, prati provođenje i redovno izvještava Parlamentarnu skupštinu BiH.***

PREDSJEDAVAJUĆI KOMISIJE

Miroslav Vujičić